

**Razvojna banka Federacije
Bosne i Hercegovine
v.d. Predsjednik Uprave**

Broj: 8427-III/24
Sarajevo, 10.07.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine i preporuke Komisije za nabavke iz Zapisnika o pregledu i ocjeni ponuda broj: 8302-XI/24 od 08.07.2024. godine, v.d. Predsjednik Uprave Razvojne banke Federacije BiH donosi

ODLUKU
**o izboru najpovoljnijeg ponuđača u postupku javne nabavke usluga održavanja i
servisiranja sistema vatrodojave za potrebe Razvojne banke Federacije BiH**

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 8302-XI/24 od 08.07.2024. godine i ugovor za "Nabavku usluga održavanja i servisiranja sistema vatrodojave" za potrebe Razvojne banke Federacije BiH dodjeljuje se ponuđaču „ARCUS“ d.o.o. Sarajevo, ul. Bulevar Meše Selimovića br. 81A, 71000 Sarajevo, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna ponuđena cijena usluga iz člana 1. ove Odluke, iznosi 4.800,00 KM bez PDV-a, što u konačnici, s uračunatim PDV-om iznosi 5.616,00 KM.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu Odluku na svojoj web stranici www.rbfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova Odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj: 7462-III/24 od 18.06.2024. godine, pokrenut je postupak javne nabavke – Nabavka usluga održavanja i servisiranja sistema vatrodojave za potrebe Razvojne banke Federacije BiH. Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je najniža cijena.

Procijenjena vrijednost nabavke iznosi 6.000,00 KM bez PDV-a.

Obavještenje o nabavci predmetne usluge objavljeno je na Portalu javnih nabavki dana 20.06.2024. godine, broj obavještenja: 1011-7-2-129-3-47/24 (objava u „Službenom glasniku BiH“ broj: 45/24 od 28.06.2024. godine).

Tenderska dokumentacija objavljena je zajedno sa navedenim obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 3306-III/24 od 15.03.2024. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke je u okviru svojih nadležnosti i ovlaštenja provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je utvrđeno da je pravovremeno pristiglo 3 (tri) ponude, kako slijedi:

R.Br.	Naziv i sjedište ponuđača	Datum i sat prijema ponude	Cijena ponude (u KM)	Popust (u KM)	Ukupna cijena bez PDV-a (u KM)
1.	„DSC“ d.o.o. Sarajevo, ul. Ante Fijamenga br. 14B, Sarajevo	02.07.2024. godine u 11:05 h	5.980,00	0,00	5.980,00
2.	„ARCUS“ d.o.o. Sarajevo, ul. Bulevar Meše Selimovića br. 81A, Sarajevo	02.07.2024. godine u 15:18 h	5.995,00	0,00	5.995,00
3.	„VATROSISTEMI“ d.o.o. Sarajevo, ul. Safeta Zajke br. 115, Sarajevo	03.07.2024. godine u 09:17 h	5.967,00	0,00	5.967,00

Cijeneći činjenično stanje, na osnovu izvršene analize i ocjene pristiglih ponuda, Komisija je utvrdila da su 3 (tri) dostavljene ponude ponuđača prihvatljive.

S obzirom da je tačkom 23. tenderske dokumentacije predviđeno provođenje e-aukcije u skladu Pravilnikom o uslovima i načinu korištenja e-aukcije ("Službeni glasnik BiH", broj: 80/23), zakazana je e-aukcija u ponedjeljak 08.07.2024. godine sa početkom u 10:00 sati.

Rangiranje prihvatljivih ponuda prema kriteriju za izbor ponude (najniža cijena) nakon provedene e-aukcije:

R.Br.	Ponudač	Ukupna cijena ponude bez PDV-a u KM	Ukupna cijena ponude sa PDV-om KM	Rangiranje
1.	„ARCUS“ d.o.o. Sarajevo, ul. Bulevar Meše Selimovića br. 81A, Sarajevo	4.800,00	5.616,00	1
2.	„VATROSISTEMI“ d.o.o. Sarajevo, ul. Safeta Zajke br. 115, Sarajevo	5.099,00	5.965,83	2
3.	„DSC“ d.o.o. Sarajevo, ul. Ante Fijamenga br. 14B, Sarajevo	5.980,00	6.996,60	3

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je ponuda ponuđača „ARCUS“ d.o.o. Sarajevo, ul. Bulevar Meše Selimovića br. 81A, 71000 Sarajevo, prema kriteriju za izbor ponude (najniža cijena) niža od preostale dvije prihvatljive ponude, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.

Dostaviti:

- Učesnicima u postupku



v.d. Predsjednik Uprave

Borislav Trlin